



PEDI – “Heart Guide”

PELO YA MOTHO !


“Ke tlo le nea pelo empsha, ka bea moya o moswa teng ga lena” *Hesekiele 36:26, 27.*

Ge o bala pampiri ye o lebelela diswantšho tša yona, o tla kgona go bona pelo ya gago. Dumelela lebone la Modimo go go šupa se pelo ya gago e lego sona. Ipolele dibe tša gago, o se ke wa di latola, ka gobane Lentšu la Morena le re: “Ge re ka re: Ga re na sebe, re a iphora, me therešo ga e gona mo go rena. Ge re ipolelela dibe tša rena, gona ka ge Yena e le wa potego le toko, o re lebelela dibe a re hlatswa bokgopo ka moka” *I Johane 1:8, 9.*

O bušwa ke Sathane goba Modimo, o lekgoba la sebe goba mohlanka wa Modimo. Ge sebe se buša bophelo bja gago, o se ke wa se khutiša, empa llela go Modimo. O tla go lokolla ka Yesu Kreste e a tlilego lefaseng go phološa badiradibe, le go fediša maatla a Sathane le a sebe go rena. Ke Yena topologo ya rena. Tseba gore o eme pele ga Modimo yo Mokgethwa, e a bonago diphiri tšohle, megopolo le mediro ye e khutišitšwego ya bophelo bja gago. “Gobane mahlo a gagwe a bona ditsela tša motho; o šetša dikgato tša gagwe ka moka. Ga go leswiswi, le thiti ya lehu ga e go, mo badiradibe ba kago ikuta gona” *Jobo 34:21 22.*

SESWANTŠHONG SA MATHOMO re bona gore “Pelo ke yona mmamatamo-mabe, ke yona lešaedi; e hlathwa ke mang?” *Jeremia 17:9.* “. . . Tše di hlaga mothong ke tšona tše di mo tšhilafatšago. MO dipelong tša batho ke mo go hlaga go dikgopolo tše mpe tša maotswa, le tša bohodu, le tša polao, le tša tlhalo, le tša megabaru, le tša lonya, le tša bomenetša, le tša bohoru, le tša mona, le tša mahlapa, le tša boikgodišo, le tša bošilo. Tše mpe ka moka di hlaga pelong tša tšhilafatša motho” *Mareka 7:20, 21, 22, 23.*

PHIKOKO e emetše sebe sa boikgantšho. **PHOKO** ke seswantšho sa dikganyogo tša nama, bootswa le bohlotlolo. **KOLOBE** e emetše sebe sa botagwa le bojato. **KHUDU** e emetše bošaedi, bobodu le bokoi. **NKWE** ke sebata se se šoro sa bogale se se šupago lehloyo le pefelo. **NOGA** e emetše lehufa. **SEGWAGWA** se emetše dibe tša megabaru le lerato la tšelete e lego modu wa dibe tšohle *I Timoteo 6:10.* **SATHANE** ke tatago bohle ba maaka le bao ba a dirago. **NALEDI** ke letswalo le le lego pelong ya motho mang le mang. Go-



na mo le tšhilafetše le senyegile. **LEIHLO** la Modimo le bona tšohle tše di dirwago ka pelong. Ga go na se se ka go khutišetšwa mahlo a a tukago a Modimo. **DIKGABJANA** tše di dikologilego pelo di emetše lerato la Modimo leo le dikanetšago pelo ya modiradibe. **LENGELOI** le šupa Lentšu la Modimo. **LEEBA** ke seswantšho sa Moya o Mokgethwa.


SESWANTŠHO SA BOBEDI se šupa **PELO YE E SOKOLOGAGO** ye e thomago go nyaka Modimo. Motho o thoma go theeletša molaetša wa Modimo a bulela lerato la Modimo pelo ya gagwe. Moya o Mokgethwa o a bonegela me seetša sa Modimo se a tsena sa kitimiša leswiswi. Lengeloi le swere tšhoša e lego Lentšu la Modimo, le le phelago, le maatla; ka bogale le phala tšhoša efe le efe ya magale a mabedi; gomme le phololetša la ba la aroganya pelo le moya, le malokololo le moko; me le tseba go fenyeka dia-





nametša kwateng ka mmele wa gagwe, gore re tlogelane le tšona, re phelele go loka. *I Petro 2:24*. "Swarang tsela le išwa ke Moya, ke mo le tlo go lesa go phetha ditumo tša nama" *Ba-Galata 5:16, 25*. Go na le ba bantši ba ba bitšwago gore ke bakreste, ba ba rapelago dikerekeng, ba ba jago selalelo, ba opela dikopelo tša Modimo, le ge go le bjalo ka mediro ya bona e mebe ba bapola Mophološi wa bona ka boswa. Seswantšhong se re hwetša mokotla wa tšhelete wa Judase, yo a ilego a eka Morena Yesu a mo rekiša ka disilifera tša masome a mararo. Lebone, ketane le tše dingwe di be di šomišitšwe ke masole a a ilego a swara Yesu bošego. Ditaese tše di šomišwago ke batho go raloka ka tšhelete, di ile tša šomišwa ke masole ge a dira matengwa ka diaparo tša gagwe. *Dipsalme 22:18*. Yesu ba mo amogile tšohle empa yena mong ba mo gana, ba re: Ga re nyake go bušwa ke monna yo.


Ka lerumo bahlabani ba ile ba mo phula lehlakore le pelo, gwa napa gwa tšwa madi le meetsi. *Johane 19:33-37*. "Le lena, thoko ya dibe le itire bahu; le phelele Modimo ka Yesu Kreste mong wa rena. Bjale mebeleng ya lena ya go hwa, bobo bo se hlwe bo buša le laolwa ke dkganyogo tša mmele" *Ba-Roma 6:11, 12*. "Gobane le hwile, gomme bophelo bja lena bo fihlilwe Modimong le Kreste" *Ba-Kolose 3:3*.



kanyo le kgopolo tša pelo *BaHebere 4:12*. "Napa o ntlhatswe molato, o ntlhwekiše, ke tšwe dibe. Modimo, mpopele pelo e sekgilego" *Dipsalme 51:2-10*.

SESWANTŠHO SA BORARO se re šupa PELO YA MODIRADIBE YO A SOKOLOGILEGO KA MAKGONNTHE. Bjale o bona bogolo le bošoro bja dibe tša gagwe tše di ntšintši tše Yesu a di hwetšego sefapanong. O itshola ka pelo ya bohloko ka baka la dibe tša gagwe. "Morena o kgauswi le ba dipelo tše di robegilego; o phološa meoya e kgobetši" *Dipsalme 34:18*. Madi a Yesu Kreste, Morwa wa Modimo a re hlatswa dibe tšohle. *I Johane 1:7-9*. "Se nna ke se šetšago ke mohlaki, ke wa pelo e setlegilego, e a boifago se ke se boletšego" *Jesaya 66:2*. "Ge o ipolela ka molomo wa re: Yesu ke yena Morena! Wa realo o dumela ka pelo gore Modimo o mo tsošitše bahung, gona o tlo phološwa" *Ba-Roma 10:9*.

SESWANTŠHO SA BONE se šupa MOKRESTE YO A HWE-DITŠEGO KHUTŠO YE E PHETHEGILEGO le topollo ka lehu la Morena le Mophološi wa rena Yesu Kreste. Motho yo, go ikgantšha go kgole le yena ge e se go kgantšha sefapano sa mong wa rena Yesu Kreste, yo lefase le mo bapoletšwego ka yena, me yena a bapolelwa lefase. *Ba-Galata 6:14*. Yesu a ipeleša dibe tša rena, a di



SESWANTŠHO SA BOHLANO se šupa PELO YE E HLA-TSWITŠWEGO YE E KGETHEGILEGO ya modiradibe yo a phološitšwego ka kgaugelo ye kgolo ya Modimo. E bile ke tempele ya makgonnthe ya Modimo, bodulo bja Modimo, bja Tate, Morwa le Moya o Mokgethwa, ka mo Morena Yesu Kreste a re tshepišitšego ka gona, a re: "Ge motho a nthata, o tlo lotola Lentšu la ka; le Tate o tlo mo rata. Gomme re tlo tla go yena ra mo dira madulo" *Johanne 14:23*.

Bakeng sa gore pelo e be bodulo bja dibe tše di šiišago, ya fetoga ya ba sehlang se se botse sa dienywa tša Moya, e lego "lerato, le lethabo, le molao; ke go se fele pelo, le botho, le bonolo, le potego le boletšo boitshwaro. Tše bjalo ga di ganwe ke molao" *Ba-Galata 5:22, 23*.

Mo seswantšhong se re bona lengeloi le tšwelela gape. Mangeloi a beilwe go direla ba ba nago le bophelo bjo bo sa felego, a goragorela ba ba boifago Modimo. *Dipsalme 34:7*. Le yena Sathane o eme kgauswi le pelo, a lebeletše ge a ka khumana sebaka sa go boela mo a bego a dula goņa kgale. Ka fao re eletšwa go phakgama le go rapela, ka gobane Diabolo lenaba la rena o re dikologa boka tau e bopago; o nyaka yo a ka go mo metša. *I Petro 5:8*. "A ga le tsebe ge le le Ntlokgethwa ya Modimo, le gore Moya wa Modimo o agile mo go lena" *I Ba-Korinthe 3:16, 6:19, 20*.



SESWANTŠHO SA BOŠUPA se bonagatša pelo ya mokgelogi yo a bego a boneseditšwe, a kwile bose bja neo ya legodimong a filwe kabelo ya Moya o Mokgethwa, me bjale o boetše morago. Motho yo a thatafatšago pelo ya gagwe mola Modimo a mmitša, o tla tšwela pele le go dira bobo le ge yena mong a leka go itokafatša. Yesu Kreste yena mong o ile a hlaloša boemo bja mokgelogi ge a rile: “Mohla moya wa ditšhila o tšwago go motho, o putlaputla dinaga tša lesehla o nyaka bokhutšo. Ge a bo hlokile, o tlo re: Ke tlo boela ngwakong waka, wo ke tšwilego go wona. Ge a fihla gona, o hwetša o swietšwe o hlophilwe. Bjale o ye o tliše meoya e mengwe ye e šupilego, e o fetišago ka bokgopo, gomme ge e tsene e dula gona, me tša motho eo bjale e yo ba tše di fetišago tša mola pele ka bobo” *Luka 11:24-26*. “Ba dira tše seema se rerešago ge se re: Mpša e boetše mahlatšeng a yona; kolobe e hlapetše go yo pshikologa lerageng” *2 Petro 2:22*. Ge e le gore seswantšho se se šupa boemo bja pelo ya gago mogwer’aka, o se ke wa diega go goelesa go Modimo ka pelo ya gago ka moka,




SESWANTŠHO SA BOSELELA ke seswantšho se se nyamišago sa **MOKGELOGI**. Leihlo le tee le thoma go ponya le šupa gore o thoma go tonya le go kgometša bophelong bja gagwe bja sekreste, mola le lengwe le lebelela kwa le kwa ka go rata tša lefase a se na dihlong. Seetša sa ka gare se a thutubala me dika tša go šupa gore o itokišeditše go tshwenyega le Kreste ga di sa eme gabotse. O dikaneditšwe ke meleko, yeo a e dumelelago ganyane ganyane bakeng sa gore a lwe le yona. Le ge a sa tsena kereke, a khutiša lerato la gagwe la lefase ka tlase ga kobo ya bokreste (borapedi), lerato la Modimo le timile ka pelong ya gagwe. Naledi, seka sa letswalo, e a thutubala. Sefapano ga se sa rwalwa ka lethabo, se fetogile morwalo wa boima wo a sa o ratego. “Phakgamang le rapele, gore le se tsene melekong; gobane moya o mafolofolo, me nama e a fokola” *Mateo 26:41*. “Moloki waka o tlo phela ka tumelo; e a gomelago morago, yena pelo yaka e ka se mo thabele” *Ba-Hebere 10:38*. “Gopolang mosadi wa Loto” *Luka 17:32*.



“o kgonaga go phološa moka.” “Lehono ge le ekwa Lentšu la gagwe, le se ke la retela dipelo” *Ba-Hebere 4:7*. “Motho e a sotšwego ge a šatalatša molala (le pelo), o tlo robega ka bjako gwa hlokwa phodišo.”

SESWANTŠHO SA BOROBEDI se šupa **MODIRADIBE YO A DIEGILEGO GO ŠOKOLOGA GOBA YO A THATAFADITŠEGO PELO YA GAGWE** a le kgauswi le go hwa. Lehu (marapo tšhokgo) le tliile ka nako ye e sa letelwago le gona le sa ratego. Menate ya dibe ye a bego a forwa ke yona e fetile, mola a lebane le moputso wo o tšhabegago wa dibe. Mahloko a dihele a mo swere a le tlalelong a mo dira lekgoba la ona. Le ge a hlologetše go rapela o hwetša gore ga a sa kgone go kopana le Modimo, ka ge a nyaditše lerato la gagwe ka mabaka ohle. “Moputso wa sebe ke lehu” *Ba-Roma 6:23*. “Go wela diatleng tša Modimo e a phelago go a šiiša” *Ba-Hebere 10:31*. “Gomme ge a le bodulabahu, a dutše bohlokong a lelala” *Luka 1:19-31*.



SESWANTŠHO SA BOROBONG se emetše **MOKRESTE YO A KGOTLELELAGO MELEKONG YE E FIŠAGO A BA A E FENYA**. Ge a ntshe a lekwa ka mathoko ohle, o šala a eme a tiile, a kgotlelela go fihlela mafelelong, a ba mofenyi ka go fetišiša ka Yesu Kreste. Sathane le dira tša gagwe ba dikologile pelo ye e dumelago, ba leka go aroša ngwana wa Modimo. Monna yo a swerego sebjana sa bjälwa o bina pele ga gagwe a mo leka ka menate ya lefase. Empa tšeo ga di kgome mokreste yo a kgethegilego, a bapotšwego le Kreste a hwilego ka thoko ya dibe le tša lefase, **NALEDI** ya letswalo la gagwe e hlwekile e a phadima. Mokotla wo o bulegilego wa tšhelete o šupa gore ga se pelo ya gagwe fela ye e needitšwego, empa le yona tšhelete ya gagwe e needitšwe go Modimo. **SENKGWA LE HLAPI** di emetše bophelo bjo bo hlwekilego bja boitshwaro. Ga a itšhilafatše ka sebela.

PUKU YE E BULEGILEGO e šupa gore Biblele ke puku ye e bulegilego go yena le gona o a e bala a e ithuta ka matšatši. “Ke mang a kago re aroganya le lerato la Kreste? A e ka ba tlaišo, goba tlaelo, goba go hlomarwa, goba tlhobolo, goba kotsi, goba lerumo? Fela ge re le mo go tšeo tšohle, re šetše re fentše moka ka eo a re ratilego” *Ba-Roma 8:35-37*. “Motho e a dulago e le wa gagwe ga a dire sebe” *I Johane 3:6-10*. “Gobane tšohle tše di tswetšwego ke Modimo di fenya lefase; gomme phenyo e fentšego lefase ke tumelo ya rena” *I Johane 5:4, 5*. “Re fentše moka ka eo a re ratilego” *Ba-Roma 8:39*.

SESWANTŠONG SA LESOME re bona gore motho yo a ilego a phela a sepela le Modimo ga a tšhabe lehu. Ge nako ya go tloga e fihlile o tlo ya ka lethabo ka mo moapostola Paulo a ngwadilego a re: “Ke na le tlhologelo ya gore ke tloge ke yo ba le Kreste, gobane ke sona se se kago phala tšohle kgole” *Ba-Filipi 1:23*. “Ngwakong wa Tata go na le madulo a mantši, ke tlo boa ke le tšea, gore mo nna ke lego gona le lena le be gona” *Johane 14:1-4*. “Tše Modimo a di lokišetšego ba ba mo ratago, ke tše di sešogo tša bonwa ke leihlo, ke tše go sego tsebe ye e di kwilego, ke tše pelong ya motho di sešogo tša tsena” *I Ba-Korinthe 2:9*. “Ba lehlogonolo ke bahu ba hwilego ba le Moreneng go tloga bjalo. Moya o re: E, a ba yo khutša dita-pišo tša bona, gobane mediro ya bona e a ba latela” *Kutollo 14:13*. “Agee, mohlanka o botse e a botegago! Tsena thabong ya mong wa gago” *Mateo 25:21*.

A re rapeleng:

Modimo, ke tla go wene ka pelo ya dibe ye e thatafetšego. Nna mong ga ke kgone go e fetiša. Tšea pelo yaka ka mo e lego ka gona. Mpo-pele pelo e hlwekilego Modimo waka. Nlatše ka Moya o Mokgethwa le lerato. Amen.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated. **Our Heart Book is now also available on cell phones, tablets, etc from www.angp-hb.co.za or as an APP “Heart of Man” on Android phones.**

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 520 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)